

## basic education

Department:
Basic Education
REPUBLIC OF SOUTH AFRICA

# NATIONAL SENIOR CERTIFICATE

**IGREYIDI 12** 

**ISINDEBELE ILIMI LEKHAYA (HL)** 

**IPHEPHA LOKUTHOMA (P1)** 

**NOVEMBA 2024** 

**UMHLAHLANDLELA WOKUTSHWAYA** 

**IMITLOMELO: 70** 

Umhlahlandlela wokutshwaya lo unamakhasi ali-10.

#### ISIGABA A: UKUFUNDA NOKUZWISISA

#### UMBUZO 1

#### Ukutshwaya ukufunda nokuzwisisa

- Njengombana itjhejo liqaliswe ekuzwisiseni, ukupeleda okungasikho neemphoso zelimi akukameli kujeziswe ngaphandle kobana iimphoso lezo zitjhugulula okutjhiwoko/ukuzwisisa umgondo. (limphoswezo kumele zitjengiswe/zivezwe).
- Nangabe abafundi basebenzise amagama abuya kelinye ilimi ngaphandle kwalelo elihlolwako, ungawatjheji amagama lawo, nangabe ipendulo ipha umaondo. ungajezisi. Nanyana kunjalo, nangabe igama elivela kelinye ilimi lisetienziswe etheksthini begodu lifuneka ependulweni, lokho kuzokwamukelwa.
- limpendulo ezifuna imibono yabafundi, imitlomelo ayinganikelwa ipendulo yaka-IYE/AWA nanyana NGIYAVUMA/ANGIVUMI. Kumele kutjhejwe/kutlonyeliswe ukusekelwa kwependulo kwaphela.
- Akunamitlomelo ekumele yabelwe ULIQINISO/AKUSILO IQINISO nanyana IQINISO/UMBONO.
- Nangabe iimpendulo zifuna igama linye kodwana umfundi yena unikele umutjho woke, tshwaya igama ekungilo ipendulo nangabe lithalelwe/litjengisiwe.
- Nangabe kufuneka amaphuzu amabili/amathathu kodwana kutlolwe amanengi, tshwaya kwaphela wokuthoma amabili/amathathu.
- Vumela ukwahluka kwamalimi wesiphande.
- Emibuzweni la kukhethwa ipendulo enembako, yamukela kokubili, iledere elikhambisana nependulo ekungiyo NANYANA ipendulo nayitlolwe ngokuzeleko.

1.1	1.1.1	UmBuso weNtando yeNengi.✓	(1)
	1.1.2	Amalungelo wobuntu ayikululeko yangokomthetho omunye nomunye umuntu anayo yokwenza nanyana yini ayibona imlungele epilweni kodwana ngendlela engaphuli umthetho nengeze yatlhorisa abanye abantu. 🗸 🗸 (Tjheja: Nanyana ngiyiphi ihlathululo ezwakalako ezokuvezwa mfundi kodwana iveze umqondo omunyethwe yipendulo le izokwamukelwa.)	(2)
	1.1.3	<ul> <li>Umraro omkhulu ngekululeko nangamalungelo la kukobana inengi labantu liwasebenzisa butjhulweni/liwasebenzisa nalapha kungakafaneli khona bese kugcine kuba nabantu abatlhorisekako.√</li> <li>Omunye umraro kukobana abantu abazi bona elinye nelinye ilungelo umuntu analo aligedeki lilodwa kodwana likhambisana nokuziphendulela kwakhe.√</li> </ul>	(1)
	1.1.4	<ul> <li>Woke umuntu kufanele atlhogomele bekasabane nepilwakhe angazifaki ebujameni obuzokubeka ipilwakhe engozini.√</li> <li>Kufanele bona omunye nomunye umuntu ababalele ipilo yalabo abaseduze kwakhe ukuze ilungelo labo lokuphila livikeleke.√</li> </ul>	(1) (1)
	1.1.5	Kubangwa ukudelelana nokungahloniphani eendaweni zomphakathi/kubangwa kubandlululana ngokombala/mavidiyo avezwa eenkundleni zokuthintana lapha abantu bombala othileko balwisana nebombala othileko.√	(1)
	1.1.6	B/Thabo Mbeki.✓✓	(2)
	1.1.7	Okwenziwa ziinkolo ukuqinisekisa bona ilungelo labafundi lokulingana ngokobulili aligandelelwa kunikela abafundi ababentazana nababesana ithuba ngokulinganako kizo zoke izinto ezenziwa esikolweni kusukela ekuhlwengiseni iinkumba zokufundela, ekukhetheni abarholi babafundi, emidlalweni nemaphalisanweni ahlukahlukeneko ukuze abafundi bobulili boke bakghone ukufumana ithuba elilinganako esikolweni.	(2)
	1.1.8	Ngicabanga bona inarha le beyingaba yinarha enokuthula, ukubumbana nokuzwana ngombana boke abantu bebazabe benza izinto ezingekhe zigandelele amalungelo wabanye abantu.√√ (Umfundi angayibeka ngeyakhe indlela ezwakalako.)	(2)

(2)

(2)

(2)

(1)

(2)

1.1.9 Ngicabanga bona iinkolo zingadlala indima ngokuqinisekisa bona iimfundo ezifana ne-Life Orientation zingenelela khudlwana ekufundiseni abafundi ngamalungelwabo nangendlela efaneleko yokuwasebenzisa/linkolo zingathatha abafundi zibase eendaweni ezithileko bayokufundiswa ngendlela ekufanele baziphathe ngayo ngaphasi kwamalungelwabo ukuze bawasebenzise ngendlela efaneleko/linkolo zingahlelela abafundi bazo amaphaliswano afana nekulumo ehlelekileko kanye nekulumo-pikiswano lapho abafundi irhubhululo elingeneleleko ngamalungelwabo benza nabazilungiselela ukuyokuphalisana nezinye iinkolo ukuze babe nelwazi elizeleko ngawo.√√

(Umfundi angayibeka ngeyakhe indlela ezwakalako.)

1.1.10 Ngokubona kwami umBuso weNtando yeNengi wenza ngokwaneleko abantu ukuqinisekisa bona baba nokuziphendulela emalungelweni abaphiwe wona ngombana uginise imithetho yokobana abantu nabenza izinto eziphula umthetho lokha nabasebenzisa amalungelwabo bahlawuliswe imali nofana bamangalelwe emakhotho ukuze bathathe ukuziphendulela kwezenzo zabo.√√

> Ngokubona kwami umBuso weNtando veNengi awenzi ngokwaneleko ngombana emiphakathini esiphila kiyo kusese nabantu abathi nabasebenzisa amalungelwabo bagcine baphule umthetho bebangathathelwa amagadango aginileko. njengabantu abavamise ukutlola izinto ezilumelako eenkundleni zokuthintana bese bazivikele ngokobana banelungelo lokuzwakalisa imibono yabo kanti ngahlanye batlhorisa abanye abantu.√√

(Umfundi angayibeka ngeyakhe indlela ezwakalako.)

1.1.11 Ukuba khona kwamalungelo amanengi kangaka yeSewula Afrika kwenza bona abantu abanengi bazenzele koke abakufunako ngesikhathi abafuna ngaso nekuvinto ebanikela ikululeko yokufeza amabhudangwabo/Kunikela abantu abanengi amathuba wokwenza izinto ezimbi bese bavike ngokobana banamalungelo.√√

(Nezinye iimpendulo ezinembako zizakwamukelwa.)

1.2 1.2.1 Yahlonywa ngomnyaka we-1996.✓

> Isithombe sesi-2 Isithombe sesi-3 Sithinta ilungelo lokufunda.✓ Sithinta ilungelo lokuphepha nokuvikeleka/ilungelo lokuphila.√

1.2.3 kuhlathulula ukulingana phakathi kwabantu bengubo nebembaji.✓ (1)

Okuvezwe esithombeni sesi-4 kuhlathulula ukulingana ngokobulili/

1.2.2

(2)

(2)

(2)

- 1.2.4 Akusilo iginiso, akusinguye woke umfundi olithabelako ilungelweli ngombana kunabafundi abathi lokha abotitjhere nabafundisako bona bayozihlalela eendlwaneni baphume zokuzithumela/abanye babaleke isikolo singakaphumi/kesinye isikhathi bahlale bangezi esikolweni bebagcine basilisile.√✓ (Umfundi angayibeka ngeyakhe indlela ezwakalako.)
- 1.2.5 Amapholisa irhubhululo elingakghona angenza ukuveza abathuwelelisi bezipezi nabo boke abantu ababandakanveka ezehlakalweni zokubulawa kwabantu eenthuthini zomphakathi bese babotjhwe/Amapholisa kufanele asebenzisane neenhlangano ezilawula iinthuthi zomphakathi ukuqinisekisa bona bafumana ilwazi elifaneleko elimayelana nabantu abavusa inturhu eenthuthini zomphakathi ukuze babotjhwe banikelwe isigwebo esiginileko.√√ (Umfundi angayibeka ngeyakhe indlela ezwakalako.)
- 1.2.6 UmNyango wezeFundo wenza ngokwaneleko ukuginisekisa bona woke umuntu uyalifumana ithuba lokufunda ngombana ubanikela ithuba lokufunda simahla kusukela eFundweni bewubabonelele esiSekelo nangemali yokuyokufunda emaZikweni aPhakemeko wezeFundo ngokusebenzisa ihlelo le-NSFAS ukuze kungabi nomuntu odinywa ithuba lokufunda. ✓ ✓
  - UmNyango wezeFundo awenzi ngokwaneleko ukuqinisekisa bona woke umuntu uvalifumana ithuba lokufunda ngombana inengi labentwana abaphila nokukhubazeka bahlezi emakhaya, abakghoni ukuya eenkolweni zomBuso eziseduze nabo ngombana abatlhogomeleki ngebanga lemakhiwo yazo enganansetienziswa ezibafaneleko/UmNyango wezeFundo awenzi ngokwaneleko ukuqinisekisa bona woke umuntu uvalifumana lokufunda ithuba ngombana kunabafundi abangasizwako ukubhadelela iindleko zemaZikweni aPhakemeko wezeFundo naehlelo le-NSFAS ngebanga lokobana ababelethi babo barhola inani elithileko lemali.√√ (Umfundi angayibeka ngeyakhe indlela ezwakalako.)

**IMITLOMELO YESIGABA A:** 30

## ISIGABA B: UKURHUNYEZA

#### **UMBUZO 2**

#### Isigaba esisirhunyezo

Funisisa bona ikhamphani eyokuhlunga irhweba ngani. Fumana imibuzo evamise ukubuzwa neempendulo ezimayelana nomsebenzi ozokuhlungelwa wona. Yembatha ngendlela ehloniphekako nenesithunzi. Fika kusese nesikhathi lapha uyokuhlungelwa khona. Ungabi nevalo nawuhlungwako. Zihlathulule ngokuzeleko ukuze abahlungi babe nerhuluphelo lokukuqatjha. Zwisisa kuhle imibuzo ngaphambi kobana uyiphendule. Khuluma iqiniso nawuphendula imibuzo obuzwa yona.

Inani lamagama = 47

Tjheja: Imidzubhulo esekholomini yokuthoma yenzelwe ukukhumbuza abatshwayako ngemitjho edzujulwe bunqopha etheksthini.

IN	MIDZUBHULO ESETHEKSTHINI	AMAPHUZU AQAKATHEKILEKO		
1	'Ngaphambi kobana uyokuhlungwa yenza irhubhululo ngekhamphani ezabe ikuhlunga ukghone ukwazi bona ikhiqiza imikhiqizo enjani nofana inikela ngezenzelwa ezinjani.'	1	Funisisa bona ikhamphani eyokuhlunga irhweba ngani.	
2	'Rhubhulula ngemibuzo amakhamphani avame ukuyibuza abantu lokha nabahlungelwa umsebenzi ofana nalo ozabe uhlungelwa wona bewulinge nokuyiphendula ngendlela enembako.'	2	Fumana imibuzo evamise ukubuzwa neempendulo ezimayelana nomsebenzi ozokuhlungelwa wona.	
3	'Njeke yembatha ngendlela efaneleko, ekunikela isithunzi nezokwenza uzizwe unokuzithemba.'	3	Yembatha ngendlela ehloniphekileko nenesithunzi.	
4	'Qinisekisa bona ufika ngesikhathi endaweni omenyelwe bona uzokuhlungelwa kiyo.'	4	Fika kusese nesikhathi lapha uyokuhlungelwa khona.	
5	'Linga ngakho koke okusemandlenakho bona ungathukwa nasele uhlungwa.'	5	Ungabi nevalo nawuhlungwako.	
6	'Zihlathulule ngokupheleleko nangendlela ezokwenza bona abakuhlungako babe nekareko lokukuqatjhela umsebenzi lowo.'	6	Zihlathulule ngokuzeleko ukuze abahlungi babe nerhuluphelo lokukuqatjha.	
7	'Ngalokho-ke qinisekisa bona uzwisisa omunye nomunye umbuzo obuzwa wona ngaphambi kobana ungawuphendula.'		Zwisisa kuhle imibuzo ngaphambi kobana uyiphendule.	
8	'Koke okukhulumako nawuphendula imibuzo ozabe ubuzwa yona akube liqiniso kwaphela.'	8	Khuluma iqiniso nawuphendula imibuzo obuzwa yona.	

Amaphuzu ali-7 kangehla.

Inani lamagama asetjenzisweko =

#### IGRIDI YOKUTSHWAYA UKURHUNYEZA.

kudzimelele Ukutshwaywa kwesirhunyezo ekuvezweni kwamaphuzu aqakathekileko ngokufunwa mbuzo.

#### Isirhunyezo kumele sitshwaywe ngalendlela:

- Ukwabiwa kwemitlomelo:
  - 7 imitlomelo emaphuzwini ali-7 (Umtlomelo owodwa kilelo nalelo phuzu eligakathekileko)
  - 3 imitlomelo velimi
  - Inani loke: 10 0
- Ukwabiwa kwemitlomelo yelimi lokha ohlolwako nakasebenzise amagamakhe.
  - 1–3 vamaphuzu alungileko: nikela umtlomelo owo-1
  - 4–5 yamaphuzu alungileko: nikela imitlomelo emi-2
  - o 6-7 yamaphuzu alungileko: nikela imitlomelo emi-3
- Ukwabiwa kwemitlomelo ohlolwako velimi lokha angakasebenzisi amagamakhe.
  - 6–7 yemidzubhulo: akunamtlomelo-0
  - 4–5 yemidzubhulo: nikela umtlomelo owo-1
  - o 2–3 yemidzubhulo: nikela imitlomelo emi-2

#### TJHEJA:

- Ukubala amagama:
  - Abatshwayi kumele baqinisekise inani lamagama asetjenzisweko.
  - Ungaphunguli imitlomelo nangabe ohlolwako akhange atjengise inani lamagama alisebenzisileko namkha nangabe inani atlole bona ulisebenzisile akusingilo. Nangabe ubude obulindelweko budlulile, funda bewufike emagameni ama-5 bese awusarageli phambili nesirhunyezweso.
  - linrhunyezo ezifitihani kodwana zinawo woke amaphuzu agakathekileko 0 akukameli zijeziswe.

**IMITLOMELO YESIGABA B:** 10

#### ISIGABA C: IZAKHI NEMITHETJHWANA YOKUSETJENZISWA KWELIMI

#### Ukutshwaya ISIGABA C

#### **Ukupeleda:**

- limpendulo ezifuna igama linye kumele zitlonyeliswe nanyana kungakapeledwa kuhle, ngaphandle kokobana iphoso itjhugulula okutjhiwo ligamelo/ihlathululo yegamelo.
- Eempendulweni ezimumutjho opheleleko, ukungakapeledeki kuhle akujeziswe nangabe iimphoso zisesakhiweni selimi elihlolwako.
- Nangabe kuhlolwa isirhunyezo, ipendulo kumele ibe netshwayo elifaneleko (ungci).
- Ukwakheka kwemitjho kumele kukhambelane nehlelo begodu kunikelwe ngemitjho ezeleko/njengokutjho komyalo.
- Emibuzweni la kukhethwa ipendulo enembako, yamukela kokubili, iledere elikhambisana nependulo ekungiyo NANYANA ipendulo nayitlolwe ngokuzeleko.

### **UMBUZO 3: ISIKHANGISO**

3.1	Ligama elithi-Vicks.✓	(1)
3.2	Balapha umgomani/bathengisa imitjhoga elapha umgomani.✓	(1)
3.3	Sithengisela abaphethe incwadi ebuya kwadorhodera ebufakazi bokobana mbala baphethwe mgomani kwaphela.✓	(1)
3.4	Ikwali yamuva iphapha nesibhuku.✓	(1)
3.5	C/lokurogela.✓	(1)
3.6	Imikhiqhizo le yomibili ivula amaphaphu emuntwini ophethwe mgomani, omunye usisezelo/ungafutha ngawo kanti omunye uyaselwa. ✓ ✓ (Umfundi angayibeka ngeyakhe indlela ezwakalako.)	(2)
3.7	Umphathisitolo uthe umuntu munye akakavunyelwa ukuthenga imikhiqizo edlula kwemibili.✓	(1)
3.8	Emagameni asetjenziselwe ukudosa abathengi kuvezwe bona <b>boke</b> abaphethwe mgomani abeze bazokulatjhwa kodwana emibandeleni kuthiwa kuthengiselwa abaphethe incwadi ebuya kwadorhodera ebufakazi bokobana mbala baphethwe mgomani <b>kwaphela</b> .	
	(Umfundi angayibeka ngeyakhe indlela ezwakalako.)	(2) <b>[10]</b>

#### **UMBUZO 4**

4.1 Libhamuza elisetjenziselwe ukuveza lokho akucabangako/Kusetjenziswe ibhamuza lokucabanga.√ (1) 4.2 Ekhathunini le kubonakala umma asunduzela ubaba ngesitolo sakwa-KFC ukobana ayomthengela inyama naye njengabanye ahlala abathengela. ✓✓ (2) 4.3 Namhlanjesi.√ (1) 4.4 C/Lokwenzisa.√ (1) 4.5 Ngicabanga bona isizathu salokho kungaba kukobana ubaba lo akasenayo imali yokumthengela ngombana ekulumeni kamma lo kuzwakala bona uhlala angena esitolwesi athengele abanye inyama yeke imalakhe ayisaneli.√√ (Umfundi angayibeka ngeyakhe indlela ezwakalako.) (2)4.6 KFC = Kentucky Fried Chicken. ✓ (1) 4.7 Ubungozi obungavelela umntwana lo kungaba ngebokuthikamezeka ngokomkhumbulo ngokubona umma lo asunduza ubaba lo kabuhlungu kangaka/Umntwana lo angalahlekelwa yihlonipho kumma ohlukumeza ubaba kangaka/kungenzeka etihatihalazini umntwana lo asabe ukuthatha nakakhulako acabange bona naye bazomenza lokhu akubona kusenziwa kubaba lo/angabona ngathi ngiyo le indlela afanele ayisebezise naye nakafuna okuthileko kwabanye abantu.√√ (Umfundi angayibeka ngeyakhe indlela ezwakalako.) (2)[10] **UMBUZO 5** 5.1 Isegamagama.√ (1) 5.2 Ukusa kwangoMvl. kwabonwa nguye.✓ (1) 5.3 Kwamanye amalanga balala ngehogweni.√ (1) 5.4 Mhlamunye yikulumakhe nodadwabo loya ohlala e-Ogies kwazi bani?/e-Ogies. ✓ (1) 5.5 Isilungelelwesi simumethe umqondo wokunciphisa.√ (1) 5.6 Mqondo wesikhathi esisaragela phambili/Mqondo wesikhathi sanje esisaragela phambili.√ (1) 5.7 Umzala banomalume baphenduke inja nomgasa soloko kwalahleka imali kamalume nje, bahlala balwa.√√ (Nanyana ngiwuphi umutjho otlanywe mfundi osebenzisa amagama athi, 'Inja nomgasa' uzakwamukelwa.) (2)5.8 Esondweni - Isondo liyabasiza abantu abanengi ngemiraro yabo.√√ (Nanyana ngiwuphi umutjho otlanywe mfundi wasebenzisa ibizo elithi 'isondo' uzakwamukelwa.) (2)[10]

Ilungelo lokukhuphela lifunjethwe

Phendla

**INANI LOKE:** 

**IMITLOMELO YESIGABA C:** 

30

70

#### **Annexure 1**

### **UKUTLOMELISA UKURHUNYEZA 2024**

Inomboro	Amaphuzu anikelweko	Amaphuzu womfundi	Imidzubhulo	Ilimi	Amaphuzu sekawoke
1	7	7	0	3	10
2	7	6	1	3	10
3	7	5	2	2	9
4	7	4	3	2	9
5	6	6	0	3	9
6	6	5	1	2	8
7	6	4	2	2	8
8	7	3	4	1	8
9	7	2	5	1	8
10	6	3	3	2	8
11	6	1	5	1	7
12	5	5	0	2	7
13	7	0	7	0	7
14	5	2	3	2	7
15	5	1	4	1	6
16	4	4	0	2	6
17	6	0	6	0	6
18	4	3	1	1	5
19	4	2	2	2	6
20	4	1	3	2	6
21	4	0	4	1	5
22	5	0	5	1	6
23	3	2	1	1	4
24	3	1	2	2	5
25	3	3	0	1	4
26	3	0	3	2	5
27	2	1	1	1	3
28	2	2	0	1	3
29	2	0	2	2	4
30	1	1	0	1	2
31	1	0	1	0	1

P= (Imitlomelo)

Dz= (Imitlomelo)L = (Imitlomelo)